



Tus Thawj Kav Lub  
Tuam Txhab Cov  
Ntsiab Lus Tseem Ceeb



Lub Tsev Hauj Lwm Saib Xyuas Txog Hluav Taws Xob thiab Kev Hloov Pauv Huab Cua Hauv Lub Nroog Dane (*Dane County Office of Energy & Climate Change*) tau pib ua txoj hauj lwm npaj nqis tes tiv thaiv huab cua rau hauv xyoo 2017, kev ua hauj lwm nrog cov neeg sawv cev tuaj ntawm 38 lub koom haum thiab 75 tus neeg tuaj thoob plaws hauv lub nroog txhawm rau los pab tshawb nrhiav thiab tsim kho txoj hauj lwm pab txhawb zoo, txoj cai tswj hwm, thiab cov lus qhuab qhia rau txoj hauj lwm kom ua rau Lub Nroog Dane muaj peev xwm txo tau cov cua tshwm sim los ntawm lub ntiaj teb sov (*greenhouse gas emissions, GHG*) thiab ua rau Lub Nroog Dane txo tau cov huab cua phem.

## Yam tshawb nrhiav tau los tseem ceeb

1. Sab Qab Teb ntawm Wisconsin yuav kub dua qub thiab los nag ntau dua qub ntxiv. Cov hnuv kub tshaj plaws ntawm txhua lub caij ntuj sov uas kub tshaj 90 °F ib txwm muaj li ntawm 10 txog 15 hnuv rau hauv ib lub xyoos twg. Txog xyoo 2050 yuav muaj thaj tsam 30 txog 40 hnuv rau hauv ib lub caij ntuj sov.
2. Lub Koom Haum Ntau Lub Teb Chaws Sib Koom Tes Los Tiv Thaiv Kev Hloov Pauv Huab Cua Hauv Lub Ntiaj Teb (*Intergovernmental Panel on Climate Change, IPCC*), hais tias kev yuav tswj kom lub ntiaj teb sov txog 1.5 °C, peb yuav tsum txo cov cua GHG kom tau txog 45% rau xyoo 2030. Cov ua qauv nthuav qhia pom tias kev nqis tes siv cov cai tswj hwm, cov kev pab txhawb, thiab cov hauj lwm nyob hauv Txoj Kev Npaj Nqis Tes Tiv Thaiv Huab Cua no peb yuav txo tau cov huab cua phem GHG ntau txog 50% rau xyoo 2030 thiab ua rau Lub Nroog Dane txo tau cov huab cua phem.
3. Kev nqis tes ua kom tiav cov qauv ua ntawm txoj kev npaj no pom tias cov lus qhuab qhia yuav ua rau peb mus ze lub hom phiaj tsim ua kom Lub Nroog Dane muaj huab cua carbondioxide nruab nrab rau xyoo 2050, thiab yuav tsum muaj cov tswv yim daws tshiab ntau feem xws li kev hloov los siv cov roj cua ntuj tsim teb raug tam rau kev siv roj av.
4. Txoj kev npaj no ua rau Lub Nroog Dane muaj lub hom phiaj ua kom tau ib ntawm peb npaug ntawm nws txoj kev siv hluav taws xob yog los ntawm hluav taws xob duab tshav ntuj (1200 MW) thiab ib nrab yog hluav taws xob cua (700 MW) thaum txog rau xyoo 2030.
5. Txhua yam tshaj plaws, Lub Nroog Dane yuav tsum hloov pauv kev siv cov tsheb noj roj av mus siv cov tsheb noj hluav taws xob (EVs) thiab cov tsheb noj roj cua ntuj tsim teb raug (RNG) kom sai li sai tau. Tsoom fwm hauv Lub Nroog



Dane yog feem ntaus thawj hauv lub teb chaws rau fab kev hloov pauv mus siv *RNG*.

6. Txhua yam uas Lub Nroog Dane yuav tsum tau mob siab yog kev nqis peev kom ntau ntxiv rau feem kev siv hluav taws xob kom tau zoo, kev pov hwm hluav taws xob, thiab siv lwm cov tswv yim los txo kom txhob muaj huab cua phem tshwm sim ntau.
7. Kev txo peb cov cua phem *GHG* kom tau tshaj 45% rau thaum xyoo 2030 peb muaj peev xwm txhawb kom muaj kev tsim kho kev khwv noj khwv haus zoo rau hauv Lub Nroog Dane, txhawb kom muaj kev ncaj ncees, thiab txhawb kom muaj kev noj qab haus huv.
8. Yuav ua kom tau raws li theem kev txaus siab rau cov cua phem *GHG* rau hauv Lub Nroog Dane thiab hauv lub ntiav teb, peb yuav tsum tsim ua kom muaj kev ua liaj ua teb ruaj khov zoo, thiab Lub Nroog Dane muaj peev xwm yog ib feem ntaus thawj rau fab kev pauv hloov ntawd.

Daim ntawv hais qhia no yog hais txog tej toj roob hauv pes uas peb hu ua Lub Nroog Dane. Tshwj xeeb tshaj mas, nws hais txog yuav sib koom tes li cas rau hauv cov zej zos ntawm Lub Nroog Dane txhawm rau kev tiv thaiv kev hloov pauv huab cua thiab ua kom sawv daws muaj lub neej zoo rau ntawm no, tshwj xeeb mas yog cov neeg txheej tom ntej. Thaum lub sij hawm uas peb sawv daws los sib koom tes rau tej yam hauj lwm tseem ceeb txhawb nqa rau ntawm tej chaw uas peb nyob, nws tseem ceeb ces yuav tau to taub cov neeg uas tau nyob ntawm no ua ntej; cov neeg uas tau nyob ntawm no muaj kev sib hlub thiab sib txhawb nqa nrog hav zoov hav tsuag thiab daim av, hauv kis no, Ho-Chunk Nation. Nws yog peb txoj kev cia siab tias peb muaj peev xwm kawm los ntawm lawv txoj kev qhia.

Peb tsis muaj peev xwm tham txog tej kev cuam tshuam ntawm kev hloov pauv huab cua thiab cov tswv yim txo tej kev cuam tshuam ntawd tau yog tsis tham txog kev ncaj ncees txog tej huab cua. Kev hloov pauv huab cua, nws yeej zoo ib yam nkaus li lwm yam kev puas tsuaj, feem ntau yog cuam tshuam rau cov neeg khwv nyiaj tau tsawg, cov zej zos haiv neeg tsos nqaij daim tawv, thiab lwm cov neeg tsis taus xws li cov me nyuam yaus thiab cov neeg laus ib yam li peb no. Kev hloov pauv huab cua xwm yeem muaj kev cuam tshuam loj heev rau cov neeg uas tsim cov cua carbon tau tsawg tshaj plaws, thiab peb xav tias qhov ntawd yeej raug tsim rau txoj kev npaj no lawm.

Peb tau siv rau cov niam tswv yim no los tsim kho cov kev npaj nqis tes tiv thaiv huab cua:



▲ Tej khoom noj seem lwj vuab tsuab yog ib yam tseem ceeb uas tshwm sim ua rau muaj cua phem. Kev cog khoom qoob loo rau hauv zej zos uas tsis siv chiv khes mis feem ntau yeej zoo dua thiab txo tau kev tsim cov huab cua phem los ntawm tsis tau thauj mus deb.  
*Duab: Center for Resilient Cities 2019*

- 1. Kev Muaj Vaj Huam Sib Luag/Kev Ncaj Ncees** Cov kev daws teeb huab cua yuav tsum siv tau rau tag nrho cov neeg pej xeem nyob hauv Lub Nroog Dane, yam tsis xav tias yuav yog haiv neeg dab tsi, theem nyiaj txiag khwv tau los, los sis lwm yam kev sib txawv. CAP yuav tsum npaj muab kev saib xyuas xub thawj ua ntej rau cov zej zos uas muaj cov neeg tsis taus.
- 2. Cov Txiag Ntsig Kev Khwv Noj Khwv Haus** Peb yuav siv cov kev daws teeb meem huab cua uas siv tau zoo thiab raug tus nqi pheej yig tshaj plaws thiab siv cov hau kev uas pab txhawb rau kev khwv noj khwv haus rau hauv zej zos.
- 3. Cov Txiag Ntsig Rau Kev Noj Qab Haus Huv** Peb kuj yuav nqis tes siv cov kev tiv thaiv kev hloov pauv huab cua uas pab txhawb tau zoo rau kev noj qab haus huv kom muaj ntau zoo zuj zus ntxiv los ntawm kev txo kom muaj huab cua phem GHG tsawg.

- 4. Kev Cog Ruaj /Kev Ruaj Ntseg** Peb yuav tawm cov qauv daws teeb meem thiab nqis tes ua los pab txhawb thiab tsim kom peb cov zej zos muaj kev cog ruaj, tsim ua tej yam tseem ceeb, thiab tsim ua kom cov zej zos txom nyem muaj hluav taws xob siv ruaj ntseg zoo.
- 5. Kev Faib Cais Hauv Nroog thiab Deb Nroog** CAP yuav lees paub tias cov chaw nyob deb nroog yog feem tseem ceeb rau kev khwv noj khwv haus hauv Lub Nroog Dane thiab yog feem pab txhawb kom lub neej zoo thiab cov chaw nyob deb nroog yog feem tseem ceeb tshaj plaws rau kev daws cov teeb meem kev hloov pauv huab cua.
- 6. Cov Txiaj Ntsig Rau Tej Tsiaj Txhu Thiab Nroj Tsuag** Hav zoov hav tsuag yog lub hauv paus tsim khoom noj, dej huv, tshuaj, xob ntoo, thiab tej khoom siv tsim ua ub no rau hauv peb lub neej. Hav zoov hav tsuag kuj tseem muaj txiaj ntsig tseem ceeb ntsig txog rau feem tsim kho, feem kev kawm, feem kev qhia, thiab sab ntsuj plig. Peb yuav tsum tawm qauv thiab nqis tes ua peb cov kev daws teeb meem txog kev hloov pauv huab cua uas yuav pab tiv thaiv, pov hwm, thiab ua kom muaj tej tsiaj txhu thiab nroj tsuag ntau zuj zus txhawm rau muab tej txiaj ntsig no rau cov neeg pej xeeb hauv Lub Nroog Dane.

Qhov CAP no muaj ntau dua 100 txoj kev npaj ua sib txawv uas peb muaj peev xwm siv coj los txo kom txhob muaj huab cua phem. Cov kev nqis tes ua no raug kho los ntawm Sustainable Energy Economics thiab hom qauv no qhia rau peb tias cov kev nqis tes ua uas raug hais rau ntawm no muaj peev xwm ua tiav tau txog 50% ntawm kev txo cov huab cua phem thaum txog xyoo 2030 thiab txo tau 68% thaum txog xyoo 2050. Cov kev nqis tes ua tshwj xeeb no poob rau cuaj hom hauj lwm tseem ceeb.

## Cov Hauj Lwm Tseem Ceeb

- 1. Kev Siv Hluav Taws Xob Kom Tau Zoo** Lub Nroog Dane yuav tsim kho, muab hauj lwm rau ua, thiab muab txoj hauj lwm pab txhawb ntau yam rau hauv lub nroog kom pab txuag tau hluav taws xob txhawm rau kev txo cov cua phem GHG los ntawm kev siv hluav taws xob thiab mus los kom tau zoo rau cov tswv tsev, cov neeg xauj tsev nyob, thiab cov khw lag luam. Lub Nroog Dane txoj hauj lwm pab txhawb kom siv hluav taws xob tau zoo yuav npaj xub thawj rau cov zej zos thiab cov tsev uas txom nyem.
- 2. Cov Tsev** Lub Tsev Hauj Lwm Saib Xyuas Hluav Taws Xob thiab Kev Hloov Pauv Huab Cua (*Office of Energy & Climate Change*) yuav pab txhawb kom muaj kev tsim tej yam zoo, cov cai siv rau kev tsim ua raws li kev yeem siv txhawm

rau pab kom cov neeg tsim kho tsim tau cov hluav taws xob uas txuag tau zoo, thiab thaum kawg thiaj li ua rau cov tsev muaj hluav taws xob siv tau zoo thiab tsis ua rau tshwm sim cua carbon.

3. **Kev mus los** Lub Nroog Dane yuav ua hauj lwm nrog cov chaw ua hauj lwm hauv lub nroog, cov chaw saib xyuas hluav taws xob, thiab lwm cov neeg muaj feem xyuam los nqis tes ua ntau txoj hauj lwm pab txhawb kom cov neeg sawv daws tig los yuav hom tsheb EVs siv. Peb yuav mob siab tsim ua peb txoj hauj lwm thiab ntaus thawj siv cov tsheb siv RNG kom ntau zuj zus txhawm rau hloov pauv hom tsheb noj roj av mus rau hom tsheb noj roj RNG rau hauv Lub Nroog Dane. Thiab Lub Nroog Dane yuav siv ntau cov tswv yim los pab txo kev tsav tsheb suav nrog kev loj hlob vam meej zoo, ua kom cov zos dhau los ua nroog me, mob siab rau feem kev pab cuam khiav tsheb thauj neeg mus los, kev khiav tsheb mus los rau hauv ib cheeb tsam, thiab lwm cov tswv yim los pab txo kom txhob tau khiav tsheb mus tau deb. Peb yuav npaj daws cov teeb meem kev khiav tsheb mus los rau hauv cov zej zos uas muaj haiv neeg tsos nqaij daim tawv, cov neeg khwv nyiaj tau tsawg, thiab lwm cov neeg tsis taus.
4. **Hluav Taws Xob Duab Tshav Ntuj** Lub Tsev Hauj Lwm Saib Xyuas Hluav Taws Xob thiab Kev Hloov Pauv Huab Cua (*Office of Energy & Climate Change*) yuav maj nroos tsim ua cov hluav taws xob duab tshav ntuj kom muaj ib ntawm peb npaug thiab cov hluav taws xob cua muaj ib nrab kiag rau hauv rau hauv Lub Nroog Dane thaum txog rau xyoo 2030. Peb yuav maj nroos tsim kho cov chaw ntim hluav taws xob rau hauv Lub Nroog Dane thiab yuav pab nrhiav hau kev pab txuag nyiaj kev siv hluav taws xob rau ntawm cov chaw ua hauj lwm ntawm tsoom fwm thiab cov khw lag luam. Peb kuj yuav qhib txoj hauj lwm nthuav qhia txog hluav taws xob duab tshav ntuj txhawm rau pab cov khw lag luam, tsim kom muaj hluav taws xob duab tshav ntuj rau cov vaj tse uas sawv daws them taus, thiab ua hauj lwm nrog cov chaw ua hauj lwm hauv nroog los pab txhawb kom lawv ua tau raws li lawv cov hom phiaj kev txo cov cua phem GHG thiab muaj hluav taws xob duab tshav ntuj.
5. **Kev Ua Liaj Ua Teb thiab Hav Zoov Hav Tsuag** Lub Nroog Dane yuav tsim ua kom muaj ntau cov tswv yim tsim ua liaj ua teb zoo thiab nqis tes txhawb rau ntawm cov chaw uas tsim cua carbon ntau suav nrog kev cog qoob loo ua theem, kev cog zaub nyuaj xyaws nrog xooob ntoo, kev cog qoob loo xyaws ntoos, thiab kev tsim tej yam tiv thaiv raws ntug dej. Peb kuj yuav maj nroos tsim kho cov chaw biodigesters, kev tsim ua chiv, thiab lwm yam kev tsim ua thiab tswj cov quav chiv. Peb yuav siv cov xooob ntoo uas twb muaj lawm thiab cov npe xooob ntoo txhawm rau tsim lub hauv paus teev cov npe xooob ntoo thiab dhau ntawd ces mam li nqis tes cog xooob ntoo ntxiv thiab hwm kom ua hav zoov hav tsuag, thiab pab cov tswv av tswj xyuas cov hav zoov hav tsuag kom muaj kev nqus los yog tuav cov carbon tau zoo dua.





- ▲ Tswj xyuas cov chaw tsim ua roj cua ntuj tsim teb raug (RNG) los ntawm cov chaw pov khoom vuab tsuab hauv Lub Nroog Dane uas raug muag rau Kwik Trip cov chaw muaj roj tsheb thoob plaws hauv lub xeev. Cov roj RNG tuaj yeem txo cov cua phem carbon tau 88% yog muab piv rau cov tsheb noj roj av

6. **Dej Lub Tsev Hauj Lwm Saib Xyuas Hluav Taws Xob** thiab Kev Hloov Pauv Huab Cua (*Office of Energy & Climate Change*) yuav mob siab pab txhawb Madison Water Utility los tsim kho thiab nqis tes siv cov khoom siv txuag dej thiab kev siv cov dej nag thiab ua hauj lwm nrog txhua cov chaw ua hauj lwm hauv cov nroog los tsim ua kom tau zoo rau hauv Madison. Peb kuj yuav tsim kom muaj kev txuag dej tau zoo los ntawm kev npaj tsim kev txuag hluav xob raws li cov lub qhuab qhia xub thawj (Kev Txuag Hluav Taws Xob Kom Tau Zoo).

7. **Cov Khoom Vuab Tsuab rau ntawm Cov Chaw** Lub Nroog Dane yuav hloov pauv tswv yim tswj xyuas qub mus rau cov tswv yim tswj xyuas tshiab rau cov khoom vuab tsuab. Lub Nroog Dane yuav tsim cov hauj lwm tshiab txhawm rau kom muaj kev siv cov khoom vuab tsuab ntau ntxiv los tom cov chaw pov khoom vuab tsuab, kom muaj kev saib xyuas ib puag ncig kom tau zoo thiab txuag nyiaj tau zoo, yog li ntawd thiaj pab txo tsis ua rau muaj cov cua phem methane tshwm sim ntau los ntawm cov chaw pov khoom vuab tsuab thiab lwm cov cua phem GHG los ntawm kev siv cov khoom nyoos ntau zuj zus. Lub Nroog Dane tseem yuav mob siab ntaus thawj siv cov coj cua huv (RNG) los

ntawm kev hloov cov roj cua ntawm lub chaw rau khoom vuab tsuab coj los siv rau cov roj av, nrog rau kev mob siab pab txhawb mus rau yav tom ntej yuav tau tswj xyuas cov cua carbon los ntawm kev muab faus.

**8. Kev Pab Txhawb Nyiaj Txiag** Lub Tsev Hauj Lwm Saib Xyuas Hluav Taws Xob thiab Kev Hloov Pauv Huab Cua (*Office of Energy & Climate Change*) yuav ua hauj lwm nrog hauj lwm pab txhawb nyiaj txiag qub tam sim no xws li Property Assessed Clean Energy (PACE) thiab cov chaw cog lus ua hauj lwm los muab nyiaj pab txhawb tsim ua cov hluav taws xob huv rau cov cov khw lag luam, cov chaw ua hauj lwm ntawm tsoom fwv, thiab lwm cov koom haum. Lub Tsev Hauj Lwm Saib Xyuas Hluav Taws Xob thiab Kev Hloov Pauv Huab Cua (*Office of Energy & Climate Change*) kuj yuav tshawb nrhiav cov tswv yim xws li kev qiv txais nyiaj nrog cov chaw qiv txais nyiaj, cov nyiaj siv rau txoj hauj lwm pov hwm huab cua, thiab cov tuam txhab nyiaj ntsuab, thiab ua hauj lwm nrog cov neeg muaj feem xyuam tseem ceeb los tsim ib lub kiab khw carbon.

**9. Lwm Cov Kev Daws Teeb Meem** Lub Tsev Hauj Lwm Saib Xyuas Hluav Taws Xob thiab Kev Hloov Pauv Huab Cua (*Office of Energy & Climate Change*) yuav tsim kho thiab muab nyiaj pab rau Dane County Clean Energy District los pab txhawb rau cov zej zos nyob sib ze uas tau tsim cov hauj lwm tsim ua hluav taws xob huv rau lawv cov neeg pej xeem thiab cov khw lag luam thiab tsim cov kev npaj rau cov hluav taws xob huv rau cov lawv cov neeg uas tsis taus tshaj plaws hauv lawv lub zos. Lub Tsev Hauj Lwm Saib Xyuas Hluav Taws Xob thiab Kev Hloov Pauv Huab Cua (*Office of Energy & Climate Change*) kuj yuav teeb tsa ib txoj hauj lwm tshawb nrhiav thiab pob nyiaj txiag tsim kho los pab txhawb ncaj qha rau txoj hauj lwm tshawb nrhiav ntsig txog kev txo thiab kev hloov kho kev hloov pauv huab cua.

Nws yog dej nyab zeeg sij hawm 1,000-xyoo rau hauv Madison thiab sab hnub poob ntawm Lub Nroog Dane rau thaum Lub Yim Hli Ntuj 2018, ua rau muaj neeg tuag coob thiab ua rau tej vaj tse ub no raug puas tsuaj raug tus nqi ntau txog ib puas lab nyiaj daus las, nws yog ib qho kev puas tsuaj raug nqi kim heev los ntawm kev hloov pauv huab cua. Koj, koj yim neeg, koj cov neeg zej zos, thiab koj cov neeg ua hauj lwm ua ke, muaj feem tseem ceeb ntsig txog rau kev cuam tshuam kev hloov pauv huab cua rau yav tom ntej. Thiab kev nqis tes ua raws li yam hais rau nram qab no yuav tsis yog pab txo kev hloov pauv huab cua nkaus xwb, tab sis yuav pab txhawb kom muaj vaj huam sib luag thiab kev ncaj ncees, txhawb nqa rau peb txoj kev khwv noj khwv haus thiab tiv thaiv kev noj qab haus huv thiab kev noj qab nyob zoo ntawm pej xeem sawv daws.

Los ntawm peb qhov kev mob siab ua kev tshawb nrhiav thiab kev nqis tes ua ntawm lwm cov zej zos, cov nroog, thiab cov teb chaws nyob thoob plaws hauv





▲ Kev soj ntsuam xyuas kev siv cov qauv nqis tes ua qhia rau peb tias kis muaj ntuj los nag loj yuav nquag tshwm sim ua rau muaj dej nyab ntau zuj zus rau yav tom ntej yog peb tsis mob siab nqis tes txo kom tau cov cua phem carbon no. Nov yog kev pab ntawm cov neeg ua hauj lwm muab ib yim neeg tawm los ntawm lawv lub tsev kom nyab xeeb rau thaum dej nyab loj hauv Mazomanie hauv Lub Yim Hli Ntuj 2018. Duab: Mitchell Travis

lub ntiaj teb, Lub Nroog Dane yuav muaj peev xwm txo kom tau cov cua phem GHG tau txog 50% rau thaum xyoo 2030. Yuav txo kom tau raws li lub hom phiaj 100% thaum txog xyoo 2050 yuav tsum ua kev tshawb nrhiav txuas mus ntxiv thiab nrhiav cov tswv yim tshiab los pab, thiab peb yuav tsum mob siab ua kom tau raws li cov luag hauj lwm no.

Qhov no yog ib txoj kev npaj nqis tes ua tiv thaiv kev hloov pauv huab cua uas tau sau qee cov hom phiaj dav, qee cov hom phiaj tshwj xeeb, thiab qee cov lus qhuab qhia dav txog qhov yuav ua li cas thiab ua tau raws li cov hom phiaj no. Zeeg sij hawm txuas mus ntxiv tom ntej ntawm Lub Tsev Hauj Lwm Saib Xyuas Hluav Taws Xob thiab Kev Hloov Pauv Huab Cua (*Office of Energy & Climate Change*) txoj hauj lwm txo kev hloov pauv huab cua yuav tau mloog cov lus xam pom los ntawm cov neeg zej zos kom ntau ntxiv thiab muab kev nthuav qhia ntxiv txog cov hauj lwm tawm qauv thiab nqis tes ua cov kev npaj ua raws li cov lus qhuab

qhia rau ntawm no (saib tshooj ntaub ntawv hais txog Kev Koom Tes Ntawm Pej Xeem). Cov kev pab txhawb nram qab no peb yuav pib nqis tes ua cov hauj lwm pab txhawb no, cov hauj lwm tsim ua, thiab cov cai tswj hwm (saib tshooj ntaub ntawv hais txog Kev Txav Mus Rau Yav Tom Ntej). Qhov CAP no suav sau tag nrho cov kev xav thiab tswv yim tseem ceeb los ntawm lub sijhawm tshwj xeeb no, tab sis yog peb yim kawm ntau ntxiv txog cov khoom siv tev naus laus zis thiab cov kiab khw tiam tshiab tam sim no, thiab cov koom haum, cov khw lag luam, thiab cov neeg uas tawm lub tswv yim tshiab no yuav tsum raug kho thiab hloov kho dua tshiab txhawm rau kom peb ua tau raws li cov hom phiaj kev txo cov cua phem *GHG*, thiab txo tau cov huab cua phem. Peb vam thiab cia siab tias nej yuav koom nrog peb rau txoj hau kev ntawd, vim nws yuav ua rau peb txhua tus tau los ua hauj lwm ua ke kom tau peb cov hom phiaj kev txo kev hloov pauv huab cua thiab tsim ua kom muaj kev nyab xeeb, zoo dua, thiab muaj vaj huam sib luag thiab muaj kev vam meej rau yav tom ntej rau txhua tus neeg pej xeem ntawm Lub Nroog Dane.

